

prosvjetni inspektori).

Član 2.

Nadzor iz prethodnog člana odnosi se naročito na:

1. upis u sudski registar i registar ustanova koji vodi ministarstvo nadležno za poslove obrazovanja Kantona Sarajevo;
2. postojanje propisanih uslova za rad odgojno-obrazovnih ustanova;
3. ostvarivanje predškolskog odgoja i obrazovanja, osnovnog obrazovanja i odgoja, srednjeg i visokog obrazovanja, kao i naučno-nastavne djelatnosti;
4. upotrebu odobrenih nastavnih planova i programa, udžbenika i drugih nastavnih sredstava;
5. upis u odgojno-obrazovnu ustanovu;
6. vođenje propisane evidencije i dokumentacije;
7. uvid u javne isprave, opće i pojedinačne akte odgojno-obrazovne ustanove i druge akte koji se odnose na rad organa kojeg kontroliše;
8. opremu odgojno-obrazovne ustanove;
9. primjenu odgojno-disciplinskih mjera prema učenicima, odnosno mjera za povrede dužnosti i neizvršavanje obave- za prema studentima;
10. primjenu zakonskih i drugih odredaba koje se odnose na učenike, odnosno studente.

Član 3.

Kantonalni prosvjetni inspektor vrši poslove prosvjetne inspekcije u odgojno-obrazovnim ustanovama i to: predškolskog odgoja i obrazovanja, osnovnog obrazovanja i odgoja, srednjeg obrazovanja, specijalnim odgojno-obrazovnim ustanovama predškolskog, osnovnog i srednjeg odgoja i obrazovanja i visokog obrazovanja.

Član 4.

U vršenju poslova inspekcijskog nadzora kantonalni prosvjetni inspektor je ovlašten naročito da:

1. naredi odgojno-obrazovnoj ustanovi primjenu zakona, drugih propisa i općih akata donesenih na osnovu zakona;
2. zabrani izvršenje nezakonitih odluka;
3. naredi otklanjanje nedostataka prouzrokovanih povredom zakona, drugih propisa i općih akata donesenih na osnovu zakona, odnosno primjenom nezakonitih mjera;
4. privremeno obustavi rad odgojno-obrazovne ustanove u skladu sa zakonom.

Član 5.

Kantonalni prosvjetni inspektor dužan je da u toku godine obavi najmanje po jedan inspekcijski pregled po službenoj dužnosti u odgojno-obrazovnoj ustanovi.

Po jedan primjerak zapisnika o inspekcijskom pregledu kantonalni prosvjetni inspektor dostavlja upravnom odboru odgojno-obrazovne ustanove, osnivaču, ministarstvu nadležnom za poslove obrazovanja, općinskoj i gradskoj službi nadležnoj za poslove obrazovanja.

Član 6.

Kantonalni prosvjetni inspektor obavlja inspekcijski nadzor

u obrazovno-odgojnoj ustanovi po zahtjevu stranke.

U skladu sa stavom 2. prethodnog člana kantonalni prosvjetni inspektor obavezan je da izvrši inspekcijski pregled, sačini i dostavi zapisnik o inspekcijskom pregledu i o tome pismeno obavijesti podnosioca zahtjeva, u roku od deset dana od dana prijema zahtjeva.

Član 7.

Pravna i fizička lica obavezna su kantonalnom inspektoratu omogućiti potpuno i nesmetano obavljanje nadzora iz člana 6. ovog zakona.

Član 8.

Kantonalni prosvjetni inspektor rješenjem naređuje izvršenje određenih mjera i rok za njihovo izvršenje.

Žalba ne odlaže izvršenje rješenja koje se odnosi na:

1. izvršavanje obaveze redovnog osnovnog obrazovanja i odgoja školskih obveznika;
2. ostvarivanje prava na školovanje;
3. statusna pitanja učenika i studenata;
4. obavezu javnog isticanja zakonom predviđenih ispitnih rokova i termina, kao i uslova za upis u sljedeći semestar;
5. zabranu rada odgojno-obrazovne ustanove i njenih odjeljenja koja nemaju odobrenje za vršenje djelatnosti;
6. produženje nastave radi ostvarivanja zakonom utvrđenog broja nastavnih dana i nastavnih sati;
7. zabranu daljeg obavljanja ispita;
8. zabranu upotrebe udžbenika i drugih nastavnih sredstava, koja nisu odobrena;
9. zabranu održavanja nastave po nastavnom planu i programu, koji nije odobren.

Član 9.

Danom stupanja na snagu ovog zakona na području Kantona prestaje primjena Zakona o prosvjetnoj inspekciji ("Službeni list SR BiH", br. 28/77 i 16/82).

Član 10.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-126/00	Predsjedavajući
27. aprila 2000. godine	Skupštine Kantona Sarajevo
Sarajevo	Mirsad Kebo , s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97), člana 55. st. 2. i 3. i člana 56. stav 1. Zakona o prostornom uređenju ("Službene novine Kantona Sarajevo", br. 13/99 i 19/99), Skupština Kantona Sarajevo, na sjednici održanoj 27. aprila 2000. godine, donijela je

ODLUKU

O IZMJENI URBANISTIČKOG PLANA GRADA SARAJEVA ZA URBANO PODRUČJE ILIJAŠ ZA PERIOD OD 1986. DO 2015. GODINE

Član 1.

U Urbanističkom planu grada Sarajeva za urbano područje Ilijaš za period od 1986. do 2015. godine ("Službene novine

grada Sarajeva", broj 7/90) - (u daljem tekstu: Plan), u tekstualnom dijelu Plana, u poglavlju 2. "Projekcija urbanog uređenja", u tački 2.11. "Ostale komunalne djelatnosti" podtačka 2.11.2. "Groblje" mijenja se i glasi:

"Sahranjivanje na urbanom području Ilijaša se obavlja na više grobalja, koja svojom površinom ne mogu zadovoljiti potrebe za sahranjivanjem u planskom periodu 1986-2015. godine. Stoga se za gradsko groblje za urbano područje Ilijaša određuje lokalitet Haluge u površini od 6,7 ha.

Nakon stavljanja u funkciju groblja "Haluge", posebnom odlukom zabraniti će se sahranjivanje na svim ostalim grobljima koja se danas nalaze u upotrebi na urbanom području Ilijaša".

Član 2.

U grafičkom dijelu Plana mijenja se lokalitet groblja, te grafički prilog sa ucrtanom lokacijom groblja "Haluge" postaje sastavni dio Plana.

Član 3.

Sastavni dio ove odluke su:

- izmjene u tekstualnom i grafičkom dijelu Plana.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-127/00 Predsjedavajući
27. aprila 2000. godine Skupštine Kantona Sarajevo
Sarajevo **Mirsad Kebo, s. r.**

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97), člana 55. st. 2. i 3. i člana 56. stav 1. Zakona o prostornom uređenju ("Službene novine Kantona Sarajevo", br. 13/99 i 19/99), Skupština Kantona Sarajevo, na sjednici održanoj 27. aprila 2000. godine, donijela je

ODLUKU

**O DOPUNI ODLUKE O PROVOĐENJU
URBANISTIČKOG PLANA GRADA SARAJEVA ZA
URBANO PODRUČJE ILIJAŠ ZA PERIOD OD 1986. DO
2015. GODINE**

Član 1.

U Odluci o provođenju Urbanističkog plana grada Sarajeva za urbano područje Ilijaš za period od 1986. do 2015. godine ("Službene novine grada Sarajeva", br. 7/90 i 21/90), u članu 5j., iza stava 2. dodaju se st. 3., 4. i 5. koji glase:

"Granica groblja "Haluge" sa raskršća puteva k. č. 1524 i 1535 K.O. Podgora I i ide u pravcu jugozapada pješačkom stazom koja ide preko parcela k. č. 1526 i dolazi do sjeveroistočnog ruba parcele k. č. 1520, nastavlja na sjeverozapad idući sjevernom međom parcele k. č. 1520 (ne obuhvata je), presijeca put k. č. 1524 i nastavlja na zapad idući sjevernom međom parcele k. č. 1527 koju ne obuhvata pa dolazi do tromede parcela k. č. 1534, 1527 i 1528, lomi se idući na sjeveroistok u pravoj liniji preko parcele k. č. 1534, te dolazi do tačke broj 1. koja se nalazi na međi između parcela k. č. 1535 (put) i 1534 udaljenoj od jugoistočnog ishodišta lista R=1:2500 Srednje 31 po y = 502 m a po x = 728 m, produžava u pravcu istoka te sjeveroistoka idući južnom stranom puta k. č. 1535

kojeg ne obuhvata te dolazi do raskršća odnosno mjesta odakle je granica obuhvata groblja "Haluge" - Ilijaš i počela.

Sve naprijed navedene parcele nalaze se u K.O. Podgora I.

Ukupna površina obuhvata iznosi cca 6,7 ha."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-132/00 Predsjedavajući
27. aprila 2000. godine Skupštine Kantona Sarajevo
Sarajevo **Mirsad Kebo, s. r.**

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97), člana 54. st. 1. i 2. i člana 154. Zakona o prostornom uređenju ("Službene novine Kantona Sarajevo", br. 13/99 i 19/99), Skupština Kantona Sarajevo, na sjednici održanoj 27. aprila 2000. godine, donijela je

ODLUKU

**O USVAJANJU REGULACIONOG PLANA
„CENTAR - NOVO SARAJEVO”**

Član 1.

Usvaja se Regulacioni plan "Centar - Novo Sarajevo" (u daljem tekstu: Plan).

Član 2.

Regulacioni plan se sastoji od tekstualnog i grafičkog dijela.

Tekstualni dio sadrži:

- Projekciju izgradnje i uređenja prostorne cjeline sa mjerama i aktivnostima za provođenje Plana;
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata;
- Idejno rješenje saobraćaja, komunalne i energetske infrastrukture;
- Idejno rješenje hortikulture.

Član 3.

Po jedan primjerak ovjerenog Plana (tekstualni i grafički dio) nalazi se na stalnom javnom uvidu i čuva u službi dokumentacije Općine Novo Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-128/00 Predsjedavajući
27. aprila 2000. godine Skupštine Kantona Sarajevo
Sarajevo **Mirsad Kebo, s. r.**

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97) i člana 154. Zakona o prostornom uređenju ("Službene novine Kantona Sarajevo", br. 13/99 i 19/99), Skupština Kantona Sarajevo, na sjednici održanoj 27. aprila 2000. godine, donijela je